



117特
2310

豈然堂記

余友服部君元彦其為人勇而謙嘗名其讀書處曰豈然堂屬余記之余未得其說一日問曰乃祖南郭先生當德川氏之盛時建大旗于壇場以古學靡鼓一世今子入嗣其後雖以其才學文章當明治之今日與其祖之所為同蓋非可能也君肅然曰豈然余乃私喜其不畏難必能有為越

服部文庫

117

2307

數日又問曰子才高學博若一奮起則南
郭氏之業可唾手而得焉君又肅然曰豈
然余乃又私喜其不輕事必能有為既而
思前云難則曰豈然後云易則亦曰豈然
難之不然真則易之不然偽易之不然是
則難之不然非是耶非邪何其無特操耶
既而又思云難為然是怯也云易為然是
慢也怯與慢何能為而今其謂豈然者是

心齋陸仕清說

不畏難也不慢易也不畏難之謂勇不慢
易之謂謙勇與謙足以為天下之事矣則
於為南郭氏之後子何有吁今天下聞人
言則皆謂然々脫於所謂怯與慢者其歟
幾人則以豈然名齋焉知非以諷世人乎
哉雖然天下之事有不然者則必亦有然
者故不可苟以勇亦不可苟以謙子夫擇
其所則可矣是為記

明治十五年十一月新嘗祭日撰於東京
本所寶竹書屋南軒

篁園關澤政軌

此書繪社清觀

